

**'Tumpu pribumi, bukan pengundi Cina'**

**MalaysiaKini.com**

**April 03, 2012**

**By Aidila Razak & Salhan K Ahmad**

Bekas timbalan menteri Tan Sri Abdullah Ahmad berkata perdana menteri perlu menumpukan usaha untuk meraih sokongan pengundi pribumi memandangkan undi golongan Cina sukar untuk dikembalikan.

Sekiranya tidak, kata bekas penasihat Tun Razak Hussein itu, Najib juga mungkin akan kehilangan undi daripada golongan pribumi.

Beliau juga menasihati perdana menteri supaya menjaga pengundi pribumi sekiranya Najib ingin menang besar dalam pilihan raya umum akan datang kerana golongan itulah yang akan menentukan kemenangan.

Memetik satu peribahasa, orang lama Umno itu bimbang sekiranya “apa yang dikejar tak dapat, dikendong tercicir.”

Abdullah juga menjangka DAP akan memenangi sebahagian besar kerusi majoriti Cina, manakala BN dan Pakatan Rakyat akan mendapat bahagian di kerusi campuran.

Pihak yang mendapat lebih sokongan di kerusi majoriti Melayu selebihnya itulah yang akan membentuk kerajaan, katanya lagi.

Copyright © 1999-2012 Mkini Dotcom Sdn. Bhd

Source: <http://www.malaysiakini.com/news/193941>



